

**Вольбы
президента Словацкой республики**

Інформації про воліча

I

Датум і час реалізації волеб

Вольбы президента Словацкой республики будут
в субботу 16. 03. 2019 од 7:00 до 22:00 години.

Кедь у першій колі волеб ани єден з кандидатів на президента Словацкой республики не
дістане надполовинну векшыну платных голосів волічів, буде друге коло волеб
в субботу 30. 03. 2019 од 7:00 до 22:00 години.

II

Право волити

Право волити президента Словацкой республики мать обчан Словацкой республики,
котрый має право волити до Народной рады Словацкой республики, т. є. обчан Словацкой
республики, котрый найпізніше в день волеб досяг вік 18 років.

Право волити є в конфлікті зо законным окліцінем особной слободы на основі охрани
публічного здравя.

III

Право быти воленым

За президента Словацкой республики може быти зволений обчан Словацкой республики,
котрый має право быти воленым за посланця Народной рады Словацкой республики
і найпізніше в день волеб досяг вік 40 років.

Право быти воленым є в конфлікті з:

- заарештованём,
- правоплатным одсуджінем за напланованый кримінальный чін, погы одсуджіня не было
заглажене,
- однятём способности робити правны діла.

IV

Легітімація на голосованя

Воліч, котрый стабільно бывать на території Словацкой республики і в день волеб не буде
мочі волити в місті свого стабільного бываня у волебнім раєні, де є записаный в списку
волічів, може пожадати **од села свого стабільного бываня** легітімацію на голосованя. Село
на пожаданя волічови выставить легітімацію на голосованя і вычаркне го зо списку волічів з
позначков, же му выдало легітімацію на голосованя.

Легітімація на голосованя дає право на записаня до списку волічів у будькотрім волебнім
раєні.

**Село выдасть волічови легітімацію на голосованя лем на тот день реалізації волеб
президента Словацкой республики, котрый воліч увів у свойї жадости. Воліч може
пожадати од села свого стабільного бываня легітімацію на голосованя на перше і друге
коло волеб президента Словацкой республики нараз. Тота пожадавка мусить быти ясна
із жадости воліча.**

Воліч може пожадати легітимацію на голосованя:

особно,

найпізніше в послідній робітний день перед днём волеб (т. є. Напізніше 15. 3. 2019; *про друге коло волеб найпізніше 29. 3. 2019*) в урядных годинах села.

Село выдасть легітимацію на голосованя безодкладно,

у формі листины так,

жебы жадость о выдана легітимації на голосованя была доручена селу найпізніше 15 робітных днів перед днём волеб (т. є. Напізніше 25. 2. 2019; *про друге коло волеб найпізніше 11. 3. 2019*),

електронічнов формов так,

жебы жадость о выдана легітимації на голосованя была доручена селу найпізніше 15 робітных днів перед днём волеб (т. є. Напізніше 25. 2. 2019; *про друге коло волеб найпізніше 11. 3. 2019*). Село про такы припады опублікує на своїм вебсайті електронічну (і-мейлову) адресу на посыланя жадостей. Кедь село не має свій вебсайт, опублікує електронічну адресу на посыланя жадостей на урядній таблі села.

В жадости мусять быти уведжены такы інформації о волічови:

- мено і призви́ско,
- родне чи́сло,
- штатне обчанство,
- адреса стабілно́го бываня (село, уліця, чи́сло дому),
- пошто́ва адреса, на котру село зажене легітимацію на голосованя.

посередництвом особы, уповномоченой жадателём

мож пожадати легітимацію на голосованя найпізніше в послідній день перед днём реалізації волеб (т. є. Напізніше 15. 3. 2019 ; *про друге коло волеб найпізніше 29. 3. 2019*)

В жадости мусять быти уведжены такы інформації о волічови:

- мено і призви́ско,
- родне чи́сло,
- штатне обчанство,
- адреса стабілно́го бываня (село, уліця, чи́сло дому).

Село зажене легітимацію на голосованя волічови на адресу стабілно́го бываня, кедь в жадости не уведе іншу пошто́ву адресу, найпізніше до трёх робітных днів од доручіня жадости. Село зажене легітимацію на голосованя на адресу уведжену в жадости рекомандо-писмом „*До властных рук*“.

Кедь воліч в писомній або електронічній жадости уведе, же легітимацію на голосованя перебере інша особа, мусить в жадости увести ей мено, призви́ско і чи́сло обчанської легітимації. Підпис воліча на жадости не мусить быти урядно овірений. Тота особа повинна перевзятя легітимації на голосованя потвердити своїм підписом.

Воліч, котрому была выдана легітимація на голосованя, може волити ай у волебній містности подля міста свого стабілно́го бываня, але лем з легітимаціёв на голосованя.

Легітимація на голосованя є платна лем на тот день реалізації волеб, котрого датум є на ній уведжений, і лем із обчаньсков легітимаціёв.

V

Способ голосованя

Воліч повинний по приході до волебной містности превказати реённій волебній комісії свою тотожність обчаньсков легітимаціёв. Кедь была волічови на ёго жадость выдана легітимація на голосованя, предложить ведно з обчаньсков легітимаціёв легітимацію на

голосования, котру му раённа волебна комісія одобере. Потім раённа волебна комісія закрузкуе порядкове чісло воліча в списку волічів і выдасть волічови лист на голосования і порожню копертку з уряднов печатков села.

Обчан Словацькой републики, котрый найпізніше в день волеб досяг вік 18 років, не має місто стабільного бываня на території Словацькой републики і вступив у день реалізації волеб до волебной містности, превкаже свою тотожность словацькым паспортом а сучасно раённій волебній комісії укаже честне выголошїня о місті стабільного бываня в заграничу, котрого взор опублікуе Міністерство внутра Словацькой републики на своїм вебсайті. Раённа волебна комісія такого воліча допише до списку волічів, што зазначить до ёго словацького паспорту, а честне выголошїня о місті стабільного бываня в заграничу припоить к списку волічів. Потім раённа волебна комісія выдасть волічови лист на голосования і порожню копертку з уряднов печатков села.

Перевзятя листу на голосования і копертки потвердить воліч у списку волічів властноручным підписом.

Каждый воліч повинный перед голосованём одобрати ся до выдїленой части містности, в котрій може управити лист на голосования. Волічови, котрый не вступить до того простору, раённа волебна комісія не доволить голосовати.

У выдїленій части містности, в котрій мож управити лист на голосования, воліч на листі голосования закрузкуе порядкове чісло кандидата, котрому вырїшив дати свій голос. Воліч може закрузковати порядкове чісло лем одного кандидата. Кедь воліч закрузкуе веце порядковых чісел кандидатів, такой лист на голосования є неплатный. Управлений лист на голосования вложить воліч до копертки і наслідно до волебной урны.

На пожадания воліча раённа волебна комісія выдасть волічови за некоректно управлений лист на голосования другой. Некоректно управлений лист на голосования вложить до ладічки на одложїня несхоснованых або некоректно управленых листів на голосования.

Воліч, котрый сам не може управити лист на голосования із здравотных прічїн або зато, же не може читати або писати і **перед голосованём поінформує о тїм факті раённу волебну комісію**, має право взяти із собов до выдїленой части містности, в котрій мож управити лист на голосования, іншу способну особу, жебы подля ёго інштрукцій і закона управила лист на голосования і вложила го до копертки; таков особов не може быти член раённой волебной комісії. Обидві особы перед вступом до выдїленой части містности, в котрій мож управити лист на голосования, член раённой волебной комісії поучить о способі голосования і о криміналінім skutку в припадї нарушования приправы волеб і волебного процесу.

За воліча, котрый не може із здравотных прічїн сам вложити копертку до волебной урны, може ю до нїй на ёго пожадания вложити інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічїн, має право пожадати село а в день реалізації волеб раённу волебну комісію одголосовати до переносной волебной урны, а то лем на території волебного раёну, про котрый была раённа волебна комісія створена.

Воліч повинный одложити некоректно управлений лист на голосования до запечатованой ладічки на несхоснованы або некоректно управлены листы на голосования, бо інакше ся допустить перестулїня, за котре буде покутованый сумов 33 евро.

Далшы інформації о вольбах президента Словацькой републики ся находят на вебсайті
www.minv.sk/?volby-prezidentsr